



~~67665~~ Uc 4010

Grotwick.

audi in Bl. I m druzyn  
korz. Pol. Lwia 1711

Ad.: Berol. Uc 4010 / [1]-[H]

Biblioteka Jagiellońska



stdro017852

#

Adhaecent:

1) Schwarzfleisch Lineamenta Somatica

2) J. E. Schmidt de Nicibus von der Maas  
in Polonia inveniendis

3) C. G. Reinhardt Nexus inter Poloniam  
Saxoniamque.

us	69
us	43 123
us	87 92
iranus	4
ingen	17
brock	128
ius	101
Wachocki	73
bleger	42
er	48
misselius	95
rimann	99
arsenius	67
arsebicius	2 7 14
83	
bergius	26 114
per	48
se	5
	88
	119
us 29.	52 98
115	122 125
iustus	91 92
ius	90
er	47
stius	91
	119
	38
	36
sznarobicius	40
i	77
59 123	124
33 36	38
	64
28	85
79	81
	5
ki	10
	80
41-44.	117
rux	108
	27
	94
i	45
	23 25
	82

J. A.  
**LINEAMENTA  
 SARMATICA,**  
 SUB  
 PRÆSIDIO  
**CONRADI SAMUELIS  
 SCHURTZFLEISCH.**

*Publicè afferenda.*

â

**JOHANN. CHRISTOPH. ALBERTI,**

*Hab. in Audit. Publ. A. 1670.*

*d. i. Octob. hor. antem.*

WITTENBERGÆ,

Typis CHRISTIANI SCHRÖDTERI, Acad. Typ.

Anno cœ Iœ XXCIII.

24

LINNAMENIA  
SARMATICA

CONRADI SAMUELI  
SCHUTTELEISCH

JOHANN. CHRISTOPH. ALBERTI

ALTBENEFERG.  
TYPIS CHRISTIANI SCHRODENS.

DOM 5437



SCRIPTORES.

Post Pomponium Melam, Plinium, Tacitum,  
Ptolomaeum, Jornandem, gentis hujus sub notione Po-  
Ionorum, sive Bolanorum meminerunt in primis Ditmar-  
rus Merseburgensis, Henrici II. æqyalis, Wippo, Conradi Sa-  
liqui Sacellanus, Otto Frisingensis, Gottfridus Viterbiensis,  
Helmoldus.

2. Primo, quod à C. N. clapsum est, seculo Sarmatae, &  
Venedi, ac diu ante Heneti, sexto Slavi Slaviniqve, amplissimo  
diffusarum à Borysthene ad Vistulam gentium nomine passim  
celebrantur. Inde veluti adolescente medio ævo Polonos ap-  
pellatos esse constat.

3. Recentiores, qui à sec. XV. & XVI, numerantur, sunt  
Æneas Sylvius, Johannes Duglossus, Matthias Michovius, Ale-  
xander Gvagvinus, Martinus Cromerus, quos uno volumine  
recensuit Johannes Pistorius Nidanus. Præter hos ad origi-  
nes eruendas adjumentum afferent Jo. Matthias à Sudetis, &  
Jodocus Ludovicus Decius.

4. Martini Cromeri epitomen adornarunt Salomon  
Neugebauer, & Joachimus Pistorius, alter Hermanno Con-  
ringio, alter M. Zvv. Boxhornio est impensè laudatus.

5. Ab excessu Sigismundi Augusti non inscè comen-  
tatus XII. libris Reinholdus Heidensteinius est, cuius & ex-  
tant de bello Moscovitico libri VI. in volumine historiæ Cro-  
merianæ, A. 1589. Coloniæ Agrippinæ editi, qui in recensione  
Pistoriana desiderantur.

A 2

6. De

6. De Henrico Valesio librum unum composuit Andreas Maximilianus Fredro, Capellanus Leopolensis, qui A. 1660. Gedani excusus est.

7. Rebellionem Russicam complexus est Paulus Piascensius, scriptor domi prudens ac fidus, in exteis incautus negligensq;. Cum quo conjugere licet succinctum commentarium A. 1653, Regiomonti evulgatum. Ex utrisque sua derivarunt Adolphus Brachelius & novissimus scriptor belli Colacici Germanice redditi.

8. Juri ac legibus Polonicis operam impenderunt Herburtus, Theodorus Zavack, cuius processus, ut dicitur, judicarius Varsaviæ lucem vedit A. 1647. Adjungatur Andreas Lipski à Lipe, cuius practicæ, quæ vocantur, observationes A. 1648. ed. causidicis inserviunt: sed ejusdem decas quæstionum publicarum in parte publici juris non planè nullum momentum habet. Conf. Jacobus Prilusius, aliiq;. Ad fori Lithuaniae, quæ Poloniæ innexa est, controversias nominatur Petrus Roisius: reliqua, quæ ad hujus descriptionem pertinent, abunde suppetunt in Moscovia Sigismundi ab Herberstein.

9. Scriptum, cui titulus est, publicæ innocentiae manifestum, in causa Lubomirskiana, & plerisque regni actis perquirendis idoneum, & hodie in ipsa Polonia perratum est, primum in Polonorum vernacula, deinde Latina Lingua compositum.

10. Quantum ad civiles regni rationes ferè admirandum se præbuit Ulicovius, summo B. B. judicio insignis, & accusatione solertiaque nulli postferendus. Schedæ de mortient. Pol. servanda, ac similes, sape quidem utiles, at nimis interdum vulgares sunt, ut facile inter has excellat, quod novissime prodiit sub nomine Censuræ Candidatorum Poloniæ.

I. N. 7.



I. N. 7.  
S. I.

**P**rincipiò Polonia Duces habuit. A Ducibus  
inde Reges elegit. Regum circumscripta Potestas. Op-  
timatum libertas magna, licentia maxima est.

I.

Regnum hodie, si ullum, legibus adstrictum. Leges,  
quibus regni innixum fundamentum est, duobus capitibus  
continentur. Alterum libertas Electionis, alterum Religio-  
nis est. Utrumque codex sanctionum Polonicarum sugge-  
rit. Vim, nervum, robur à Comitiis Varsaviensibus (a) ar-  
cesso. His stabit regnum, si observentur. Ruet, (ne vero  
ruat) si negligantur.

(a) A. 1573. Huc spectant constitutiones publicæ, diplomata  
regia, quibus hac libertas reperitis vicibus firmatur. Memorandi  
bit Reges, Henricus, Stephanus, Sigism. III. Vladislatus IV. & qui  
nuper regno se abdicavit, Job. Casimirus. Sed imprimitis memo-  
randabit fuerat sanctio Jagellonica.

III.

Primus Regum mémoratur Boleslaus Chrobry. Sed  
verò audaciùs, quam verius. Quod velim æquo animo ac-  
cipiant Crantzius, Johani Cluverus, Johannes Lætus, Geor-  
gius Hornius, Fr. Sansovinus, Arthurus Duck, Antonius  
Albizius, Christianus Matthiæ. Sed neque hi soli. Restant  
plures: Johannes Sleidanus, scriptor alioq; gravis & probus,  
Lucas de Linda, Joachimus Pastorius. Henricus Bangertus,  
& quem hic sequitur, Gvagrinus, Auctor novissimus Polonici  
status, innumeri demum alii. Unum id impensè hic miror,

A 3

cur Polonici scriptores, iique non vulgares, tantum sibi indulgent, ut patrocinentur errori. Qvum non plane nullum hic suppetat argumentum, fuisse tempus, quo Polonia colere Imperatorem, colere Imperium debuerit. \* Qvod tamen ægræ faciunt Poloni, jam dissimulantes, qvæ scribenda erant, jam scribentes, qvæ tacere præstissem. Notatus hic multis nævus est. Ex omnibus feligamus. (b) Corringium, testem parum laudandi moris.

\* Chron. Pegaviense ad A. 1135. Otto Frising. Chron. VI. cap. 28. VII. cap. 19. Sanblasianus app. cap. 7.

(b) Cap. 18. de F. I. G.

#### IV.

Qui edisserunt hoc loco familiarum vicissitudines, non impingunt semel. Scriptor Novitus des Polnisch. Königs Stamms. XII. recenset interregna. Sed abhorret is loquendi modus ab accusatione civili. Nec pensi is habet distingvere Ducum tempora à Regum. Utinam vero præter hunc lapsum nullus supereset alius. Sed mendum augetur mendo. Inter exempla sunt, qui in tradendis Poloniæ dynastiis operam ponunt suam. Alii sex: alii plures, multi pauciores numerant. Joh. Buno (c) Dynastiam inserit Zechidarum. Verum hæc ad Bojohemos pertinet, non ad Sarmatas. Nisi tamen Cracidarum dictam cupit, à Craco Auctore appellatam. Qui rem in compendium redigunt 1. recitant Dynastiam Lechi, unde surrexit familia Lechidarum. 2. (d) Craci. 3. Przemislai. 4. Lesci. Hinc progenies Lescidarum. 5. Piastii, Civis Crisvicensis, filii Gossifonis, ut produnt Sarmatici annales. Ab eo prosapia Piastorum, seu Piastidarum, (e) qvæ nondum desit. Reliquias Silesia habet. 6. Jagellonis, qui Jagellonidum Conditor. Hoc ad regni clavum subducto, Piastei, qui Silesiam colebant, Principes, sive odio, sive ultiōne excitati se suosq; regno

regno Bohemico illigare cœperunt. Sed manifesta hæc omnia. Videamus jam, quid Sarmatæ expediatur.

(c) Sec. IX. Hist. univ.

(d) Unum hic notandum, omitti dōdendex 285, seu Palatinos, vulgo Vaiwodas, qui binis vicibus interserendi (1) Post Lechum (2.) Post Cracum. Preter hoc addo, verum eumq; indubitatum historiæ Pol. characterem incipere cum Piaſto. Anteriores multa adūta comitari. Ne uirgina dicam. Proinde hic, si usq; vam, judicio opus est.

(e) Vid. de his Aut. Cens. Cand. Polon. Conf. atq; qvæ rectè memorant, eos primum veritatis divinioris lumen Sarmatæ intulisse.

#### XV.

Regni Caput (inde enim auspicari libet) Cracovia est. Civitas vasta magis, quam valida. (f) Perculit hujus rei cogitatio multorum animos Regum. Præsertim Sigismundi Augusti, (g) ut qui pensaret, quanti interesset, Cracoviam muniri. Laudabilis hæc solicitude, sed Ordinibus odiosa. Nempe existimaverant hi, munita Cracovia, nova sibi instare fata, libertatem in discrimine fore, regem ad regiam potestatem grassaturum. Hinc responsum tulit, Polonus Virtutem lacertis ostendere. (h) Muris, arcibus, castris non delectari. Verum latebat metus affectandæ dominationis. Regem prætextu securitatis moliri Monarchiam, una omnium suspicio fuit. Prudentiam interpretabantur Poloni. Sunt, qui admixtum quid imprudentia colligant. Disceptet, decidat, qui velit, velit, qui potest. Ego dixisse satis habeo, publicæ interesse rei, ut privatæ suspiciones publicæ utilitati remittantur. Hoc magis, quod alia Polonis in promptu sint servandæ libertatis instrumenta. Sed age ostendam, quid hinc emergere damni, quantum conflari Christianis periculum possit. Fingam irritari Turcas, colligere exercitum. Uno impetu effundi in Sarmaticos campos

campos. Omnia præda hostis erunt, priusquam iusta acie cum hoste decernatur. Quid si Fortuna belli, ut subinde mutabilis est, refragaretur? Sane conclamatum foret, cum neque præsidium victis, neque asylum subditis supereret. Quos tamen habere omnes æquum est, quod fugiant ad salutem, quod fortunas, & quicquid carum est, perferant. (i) Atqui id jam liquet satis. Et nisi liquet, testari Varadinum potest, quantum in arcibus & castellis sit momenti. Quippe comperit, amissio Varadino, periclitari Ungariam juxta & Transylvaniam cœpisse: Cosacos Osmannidarum jugo se submississe. Tanta utilitas est, extruere arces & tueri extutas.

(f) Arx civitatis imposita, ubi veterum Regnum confusa monumenta.

(g) Vid. Jos. Maria Maraviglia Hermet. Cœlest. p. 94.

(h) Imitantur Poloni Spartanos. Sed desit seculum illud Spartanum. Desierunt Spartanorum mores.

(i) Pensant tamen banc arcum propugnaculorumq; jacturam varijs montes, quibus includuntur, diversa flumina, quibus interluitur Polonia. Sed Nature hic subcidium debetur ab arte.

Hinc etiam quod invenimus in aliis locis, videtur hoc esse.

Quanquam ergo magni aestimem Sarmatarum Virtutem, nec ignorem insuper, Tataris Turcisque admodum formidabilem esse hanc gentem, tamen necessitas temporum exigit, & ipsorum Polonorum salus, ut communiant civitates, excident arces, omnia denique comparent ad publicam securitatem.

VII. Cum de munimentis, deque munimentorum ne-

cessitate expono, subit recordari Kamienici. Hoc susti-

nendis Tatarorum incursionibus suffecturum ajunt. Sed sufficiat Tatarorum.

Forte tamen pertinacia Turcarum non sufficit. Quin forte fama major vero, quæ ad nos de operibus

operibus munitionibusque Kamienici perlata est. Tum verò sentiunt non pauci, Tataros jamdudum Kamienicum\* occupaturos fuisse, ni impetum cohibuisset prudentia Turcarum. Ut qvorum quasi beneficiarii Tatari sint, intenti ad eorum nutum, & parati seqvi signa, cum velint. Turcis autem hujus consilii non aliud pretium est, quam formido. Cohorrescunt enim, cum inaudiunt de auxiliis Germanorum, & qui Septentrionem colunt. Hos vero judicant, nolle destituere Polonus, dum unus apud omnes metus est crescentis potentiae Turcarum, qui vel invitis extorquere arma potest. Et verò communis Christiani orbis causa hæc est, quæ copulare dissidentes debet, ut obex tandem ponatur posteris Osmanni.

\* Simon Starovolscius in Polon. p. 114. refert, oppidum esse & naturali loci manuq; permunitum, nec refragor, si sentiat pro conditione Podolia, & loqvatur. Subscriptus Starovolscio Alexander Guagvinus in descript. Pol. & non modò arcem raro propugnaculisq; firmatam, sed civitatem etiam ob rupem accessu arduam fermè inexpugnabilem esse scribit. Quicquid ejus sit, parum letus nuper allatus nuncius est, venisse in Turcarum Tatarorumq;, quos antebac strenue repulerat, potestatem: Quæ ue quæ primum recuperetur, afferaturq; pristino domino, & Germania, & universi septentrionis interest.

### VIII.

Ut meritò jam invehamur in eos, qui solius quæstus causa Turcarum se applicant partibus. Indignum sane Christianis, stare adversus Christianos, deserere suos, assistere impia genti. Et verò Deus, Pietas, amor, quæ Christianos copulant cum Christianis, iniqvissimo exemplo adversantur. Relinqvatur impia adeo colluvies sibi. Retineat sordes suas. Christiani jungantur Christianis. Fœdera, societas, amicitia, sancta nomina sunt. His dignari Turcas probrosum orbi Christiano. Impium quoque accedere barbaris, adversari suis. Prætextus commercio-

B

rum

rum pulchre qværitur, solidè non stabilitur. Certè nemo probaverit hunc morem, qvum Christianus Turcæ expetat societatem, ut noceat Christiano. (k) Speciosa qvorundam commenta multum ostentationis, parum pietatis, minimum laudis habent.

(k) Rationem reddit Petrus Santerna Lusitanus, qvod sint inimici imperij, & Christiani nominis, qvod Christianos persequuntur & sedibus expellant, tr. de aſſeſſ. Ed. Lugd.

IX.

Revertamur ad institutum. Potentia Polonorum terrestris, opes in agro, vis belli in eqvitatu ferme omnis est. Maritima potentia Naturæ magis donum, qvam fortunæ & artis. Hac carent Poloni, pollent Hispanus & Veneti, Veteres Oſmannici imperij hostes. Cæterū dixitæ agrorum nec nullæ, nec nimia. Commerciis demùn regna efflorescent. Sed genius Polonica gentis vix capit. Haud exiguo, ut creditur, regni damno. Præter eqvitatum, qui validissimus est, (l) curia peditatus esse (m) debet. Ut habeat, qvos opponat Prætorianis. Spahis enim haud dubiè est resistendo.

(l) Rex 140000. (alij 200000. recitant) Nobilium educere in aciem potest, si instat periculum, si imminet hostis. Expeditio hac apud ipsos Postpolite Russie audit. In proxima expeditione ultra 100000. fuisse memorant.

(m) Jam olim Tacitus Sarmatis objicit ignaviam ad pedestres pugnas. Hist. I. Ego monere malim, qvam tale quid obficere. Sed Sarmatae fortasse ipsi dubiam objicent fidem.

X.

Æstimavimus satis excitatam Polonorum indolem, animum bellicarum rerum capacissimum. Lustrabimus popularium erga populares jam fidem. Pro patria oppetere mortem, ducunt laudi. Pro salute regis capere arma, corpus obficere periculis, omnia denique experiri parati. Transfugam fieri, summum ibi scelus. Comitari regem in

in qvacunque fortuna, decus interpretantur. Multas gentes ferro in reges sæviſſe compertum. Poloni servorum regem gloriam tulerunt. Dissentire quidem & obniti, indignariqve insuper ſæpe, & edere irati animi signa, non rārum. Sed manus regum imbuere ſangvine, & inſontes deposcere ad necem, generoſo hactenus populo piaculum fuit. Magna hæc fides, gloria autem fide major, pietas longe maxima. Paucos excipimus, qvibus ſenſum obſeqvii ſive innata ferocia, ſeu pertinacia excuſit. Hos rebus stuquiffi novis, recesſiſſe à fide erga Reges, exuiffi reverentiam, ſicut notum, ita universæ genti neqviqvam imputandum.

XI.

Perſpicaciam gentis colliget, qui ut cauti ſint, & regum ſcrutentur destinata ac mores, apud animum expendit. Piastidas ad Casimirum usqve M. nulla religione aſtrinxerunt, ſuccelfores vero hoc obligare vinculo-consultum putarunt. Prorsus ut appareret, libertatis retinendæ tenacifimos effe. Sic regum coerciti ſpiritus, ſic evitatum ſervitutis jugum, ſic privilegia retenta atque immunitates vindicatæ omnes. (n)

(n) Non multo ſecus, atq Teutones, qui Caroli V. antefores laxius, Carolum V. arctius ex Imperi utilitate legibus adſtrinxerunt. Vide Sleid. & ex eo Stirn. Nomoth. t. 4. §. 6.

XII.

Monui de Casimiro M. Princeps animi plenus & raræ exemplum benignitatis. Hic Poloniam lateritiam accepit, non multo post marmoream fecit. Beneficiis Ordines, plebem, magnos, medios, minimos, omnes ſibi devinxit. Russiam in Provinciæ formam redegit. Leges, cultum, decus in Poloniam intulit. (o)

(o) Vid. Aut. Anonym. in Piast. Joachim. Paforius in Casimiro Magno. In eo defierunt regnare Piastida.

B 2

XIII. Au-

## XIII.

Auspicata hæc regno omina... Auspiciora ferme in Vladislao Jagellone. Qui Lithvaniam Poloniæ innexuit, ut hodie utraqve eodem civili vinculo contineatur, eodem jure regatur, eodem demum obseqvio eidem Principi pareat.

## XIV.

Haud secius capit extulit in Casimiro III. qui Prussiam addidit. (p) Prusia exemplum secuta Livonia est. Hanc Poloniæ adjecit (q) Sigismundus Augustus, augendis regni finibus occupatissimus Princeps. Cæterum habeo, quod defiderem cum prudentibus in Sigismundo III. qui Cracoviam, incluram Veteri Regum sede civitatem, Varsaviâ mutavit. Omine parum prospero, consilio minus utili, eventu certè non salutari. Adeò verum est, mutationes sedium auspicia nunciare nec prospera semper mutantibus, nec latet iis, qui mutantium imperia colunt.

(p) Notat hic asperè Albertum Teutonici Ordinis Magistrum Besold. I. P. Part. 3. c. 4. p. 235. Excusant moderatores. Notas vicissitudines peculiari servo argumento. Borussia Ducalis soluta jam beneficiario vinculo est, quod constat ex transactione Veliensi. Cesit enim El. Brand. ut supremo Domino, soluta fiducario nexu. Conf. dissertatio nostra de rebus Prussor. ad §. 28.

(q) Livonia in sanctionibus novissimis jam dispescitur in Svedicam & Polonicam. De bac quid Moschir respectu, publicè eantum nuper sit, appareat ex sanct. Pac. Oliv. c. 5. §. 1. De Livonia alicui in Cis & Trans-Dunam divisione Geographi plenius agunt.

## XV.

In Stephanum Bathorium parum æquos deprehendo Sarmatas. Periculum metuerunt libertatis, fortè quod regis potius, quam regni haberet rationem. Suspectus enim insidiari juribus, insidiari libertati. Regis quoque, id est, sui poti-

potius, quam regni æstimare utilitatem videbatur. Hinc indignantium voces querelæ mutati in publicum amoris. Dignari Ordines, proscribere Zhorovios, denunciare pœnam inter Präfules summo, abrogare Proceribus officia, disponere de Provinciis beneficiarii liberè, intolerandum genti. Nec de Vladislao IV. una omnium opinio fuit. Multi eum nisi solito altius, & plus moliri, quam par esset, & regiam complecti animo vim, conjecterunt. Nimirum prona Martiis regibus via est ad dominatum.

## XVI.

Hactenus de Regibus monitum. Summa eo spectat, ut materiam diffidentiæ, æmulationis, litium amoliamur. Captare arbitrium, omnia moderari pro nutu, libere, ferre sine Comitiis leges, statuere quid sua sponte, decernere sine consilio consensuque procerum, Senatus, ac Nunciorum terrestrium, in Polonia inauditum. Regem habere Ordines malunt, quam regnatrixem domum. Regnum electione deferunt. Nec tamen plane nullam successionis habent rationem. (r) Præterire hæredes possunt, haud tamen præreunt facile. Nisi cogat necessitas, nisi flagitet regni servandi cura, nisi causæ admoneant gravissimæ & sine dispendio salutis publicæ non negligenda. (s) Scriptor quidam non incitus disertè tradit, Senatorum judicio consentaneum esse, Rempublicam se potius habere, quam regnum. Cæterum scriptoris illius majus in Ordines studium, quam in Regem. Fatendum alioqui, Optimates magno se efferre splendore & caliginem inducere Monarchiæ pleniori. Optandum, ut concordia utrisque constet & firma tranquillitas duret, & ipsa maneat æternitas rerum. Fiet id, si reges etiam suos optimates, hi colant suos Reges, utriusque studeant publicæ utilitati. Si meminerint Reges, regnum se habere astrictum, Senatum esse liberiorem, si Ordines foveant Camillos, si expellant Marios, si Sullas detestentur.

B3

(r) Quis

(r) Qui Scholis operantur, regna electitio successiva appellant.

(s) Aut moment. Polon. servand. rat.

Novum invitat de Comitiis argumentum. Jus indicendi penes Regem, statuendi potestas Regi cum Senatoribus & equestri Ordine communis. Utri horum præpolleant, haut querere opus. Sciunt, agnoscunt omnes. Prudentibus sane hinc indicium, Poloniæ regimen potius Reip. convenire, quam regno. (t) Ordines aut sacri, aut profani. Ultrique regni Senatores. Post eos Delegati Nobilitatis sedendi jus nacti. (u) Sententia tamen dicenda præcipuum apud hos pondus. Si quid proponi decernive oporteat, referunt ad Senatum. Leges verò à Senatu accipiunt nullas. Potius Senatus ad eos, quam ipsi ad Senatum se accommodant. Tanta nobilitatis auctoritas est. Senatus exhibit Optimates, Nobilitas Populum, Delegati Nobilitatis Tribunos. Ceterum Comitia Polonorum ut plurimum sunt paludata. Nempe stant sub dio, stantes stipant militares turmæ. Hæc eum aguntur, coeunt deliberaturi, post deliberationem definiunt, si tamen definiunt semper. Atqui hic dubitaverim cum Senatorum, tum Nobilitatis ingenuum morem, quod reges mereri regnum, non mercari velint. Qui hic dubitat, excutiat annales, indaget acta publica, vestiget experientiam, inveniet, quæ indicamus.

(t) Casp. Ens de Reg. Polon. Th. Pol. ap. 15. De Cetero per occasionem Regni, mentio succurrit Abbatis Casinensis Vincentij Svaldi, qui pulcherrime Reipubl. quatenus optimatum iure regendæ, rationes, exempla, exemplorum nexus ostendit. Additam forte possunt, quæ de ratiobus Reipubl. cum antiqua tum hodierna eleganter ordinavit judicavitq; Pompejus Caimus in Parallel. Polit.

(u) Al-

(v) Althus cap. 33. Lind. descript. Regn. Pol. Popping. in Q.  
I. Huc Dav. Frolich. in Viator. lib. 3. p. 47. 48.

XVIII.

Nobilitas Poloniæ seminarium pariter & præsidium est, Nobilium eadem dignatio, pars Jus, æqualis libertas celebratur. (x) Ab his multi Principum surrexerunt. His necessitudine impulseri, Principibus sèpè non indecorum neque inglorium est visum.

(x) Vid. Staravolscius. Aut. Cens. Cand. Pol. Autor Gallicus quidam, cuius nomen late subliteris D. T. V. T. de l' Estat du Roy de Pologne. Sanctorinus del governo del regno di Polonia.

XIX.

Omnia, quæ sentimus, dicere non expedit. Alia aut servanda domi, aut relinquenda expertis rerum. Tradamus nihilominus aliiquid de hodierno Rege. Is à (y) Visnoviecia dux, à Sangvine Korybutius, eoq; Jagellonis vinculo agnationis annexus. (z) Ultima origo ex Lithuania. Prænomen Michaelis: In prænomine augurium diadematissima feria Michaelis imponendi fuit. Auspicio rerum gerendarum prospera, ingenium perspicacissimum, animus ingens multisq; artibus imbutus, experientia singularis explendescit. Nihil in eo desiderant boni, omnes sperant bene. Hinc studio Nobilitatis proiectus, hinc ad regni Clavum subductus. Attritæ quidem paternæ opes sunt Cosacico bello. Animus tamen semper idem viguit, infractus nunquam. Omen hoc olim accipiebamus altioris fortunæ. Exi-  
tus non defuit omni.

(y) Alij Wisniewicz, alij Wisniowez, multi Wischniowez, nonnulli Visnoviez scribunt. Is Numen potius, quam Romuli ingenii habet.

(z) Demetrius Korybutbus frater Jagellonis. Familia utriusq; Principalis, ultima origo traditur ex Italia à Columnis. Columnas arcessunt à Germanis. Ex Sericovio observant, Wiesnovieciarum & Sbarasciorum Antecessorem appellatum. Huc referunt Diploma Fidelitatis A. 1386. concinnatum. Et Staravolscius annotat monumenta aliquot Wiesnovieciarum Ducum.

XX. Sum-

## XX.

Summa hujus Regis cura, ut tempestatem ex Ucraina impendentem avertat. Et profecto avertet, si de consilio ejus res regatur, \* si reconcilientur rebelles, si cum regno redeant in gratiam Cosaci, si Ordines denique, cum opus fuerit, non destituant optimum Regem. Impia seditionis Russorum memoria nondum exolevit. Vitari potuisset malum, si Russici ritus relicta libertas fuisset, si, quod ex promisso debitum erat, regni curia dependisset, si major erga eos praeceptorum regiorum moderatio apparuisset, si avaritia Judaeæ nihil in ipsos licuisset, si denique in nulla libertatis parte damnum ad illos redundasset. Mittimus alia querimoniarum capita. Tantummodo hic monemus vitandum esse Russicum istum Sullam. Hunc vitare est praesens periculum vitare & fraudem. Quid mirum? Turbidi ingenii homo est, & profundæ simulationis. Fidei quoque ances & mutabiliis in momenta. Tum promittendo paratior, quam servando. Omnia illi ludus. Etiam religio pectorum. Hoc observandum regi, observandum regno est. Ad ultimum, elegans in Viosnievicio Polonici exemplum moris. Scilicet Reginas à Germanis sumere malunt, quam Reges. Suspecta adeo Germanici nominis magnitudo. A sexu sequiori non perinde metuunt. Hunc regi potius, quam regere debere ajunt. Jam plures ex Austria reginas acciverunt. Novissime documento Viesnievicius est. Cujus & regnum fortunet DEus & torum. Illi felicitatem, huic fecunditatem largiatur.

\* Alius hoc A. 1672. eventus, atq. superiori consilium fuit. Facta in Polonia pax est, sed magna Polonorum jactura; Podolia nunc gemit sub Turcarum jugo.

## XXI.

Regibus olim concessa abdicandi libertas. Multa hinc in Remp. mala, plurimæ calamitates. Jam melius provi-

-200-XX

provisum regno, libertati isti obex positus. Argumento Viosnievicius est, regno se, donec vivit, ex lege non abdicaturus. Id religiosè promisit: religiosè implebit.

## XXII.

Seqvitur, ut tradamus, quid Polonia reponere in se, quid tribuere exterorum auxiliis debeat. Non negamus, nimiam fiduciam sui, saepe initium miseriae esse. Nolimus dissideri tamen, Polonia domi potius vires querendas, quam foris. Auxilia aut saepe sunt sera, aut non sufficiunt. Ac id quidem facere Polonis in expedito est. Gens numero, & idonea insuper bello, & tanto aliquando magis resurrecta, quanto major ruina fuit. Probant id superiora bella, probant exempla bellorum. Assentuntur Polonici scriptores. Idemque nuper Batavis suggestit quidam in opusculo, de eo, quod interest Bataviæ.

## XXIII.

Piget hic referre, quod prodidit Thomas Campanella. Is securitatem Sarmatis certissimam pollicetur, si Polonia cum Moscovia conjungenda rationes ineantur. Sed vanum consilium, vanius promissum. Diversa Moschorum & Sarmatarum ingenia, adversi mores. Dispar etiam regnandi jus, dispar modulus. Imperium Czaris successioni innixum, nec circumscriptæ potestatis, Regnum Polonorum conferendum electione, nec administrandum pro nutu. Servile obsequium Moschorum, liberrium Polonorum est. Ne meminerim, quam pertinaciter sua colant sacra Moschi. Sua quoque Poloni. Nunquam adeo conciliandi, nunquam redigendi in unum corpus. Pontifex, Pontificis ceremonia illis detestabiles. His contra Græcorum. Hos ergo conjungere pugnantes, componere dissidentes, jam diu desperavit Palatinus Czerniechoviensis. Quod indicio est, promisisse Campanellam, quod nulla ratio futurum promittit. Ostentui ergo hic Monachus est. Magis Monachi simplicitas.

## XXIV.

Cæterum optandum est Polonis, recuperent Sinolenskum, quo nuper exuti sunt à Moscho. Idonea hæc regno olim Civitas,

C

(11) unde

(aa) unde inferre periculum hosti & propellere licebat. Jam amissa desideratur. Nec verò sola. Præter hanc Provincia trans Borysthenem, cum situs, tum securitatis ratione utilissima Polonis. Repetere arduum, \* relinqvere periculosum. Hæ diminutiones, belli civilis fructus. Non exiguis hinc metus, nec minus discimen. Maturè adeo providendum genti, ne gentis potentia justo latius serpat.

(aa) Laudant hic Poloni Gedani sui vires & fidem. Laudavit Pastorius in Casimiro III. Laudavit proxime Andreas Olszowski, Pomesania Procancelarius, & Regis sui Legatus.

\* Tum propter belli ex bello rursus metuendi discrimen, tum propter pactiones novissimas Moscovo-Polonicas.

XXV.

Refert qvoq; ad institutum nosse, Poloniæ sepe plus nocuisse civilia, quam externabellæ. Tutus Rex, tutum Regnum, si discordiæ fuerint sceptra, si compressæ factio[n]es, si extinctæ rebelliones. Militem excire promptum, eundemque Scythicæ gentis terrorem. Atqui vero jam tempus est, mea Polonia, ut excias tuelio Borystheni. Justus tibi, barbaris impius fœdusq; bellandi titulus est. Hi pro dominatione, tu pro libertate dimicabis. Aude, vindica Ukrainam. Aderit Deus. Aderit fortuna. Cœpta bona bonus exitus seqvetur. Ve[ro]bo, Vinces, Vincendo triumphabis, triumphando gloriam illustrabis. Itmo vero illustres. Ut aut definant te vexare, \* aut subigantur, qvum vexant, aut subvertantur, cum subacti resurgunt ad colligendas vires, ad turbandam regni tui quietem.

\* Inter regni cursus præcipua haec est hodie, 1. resarcire jacturam Podolie: 2. videre, quemadmodum Polonia ex triburia iterum libera fiat.

XXVI.

Quantum tranquillitatis servandæ pretium sit, exploratum jam habemus. Alia denuo subit solicitude. Hæc publicam spectat utilitatem. Cujus compendium cura numi. Prœinde cavidum monetæ: puniendi monetæ adulteratores. Providendum qvoq; ut cudatur moneta à probis, & materiae pretium, pretio materia respondeat. Nec vero indulgendum cuivis Jus monetæ.

In-

Ingens hic abusus, ingens abutentium scelus, unde damnum commerciis certissimum inferunt. Ab his ad Republicam, à Republ. ad universam humanam societatem serpit. Atque hoc cum tua conjunctum salute est, Polonia. (bb) Ruunt indulgentiæ in hoc vitium privati, privato qvæstui intenti. Prospiciendum adeò, ne aut privatis ejusmodi concedatur potestas, aut si concedatur, in eos qui adulteraverint, maturè animadvertisatur. Constituendum ad hoc certum in moneta pretium, constituendi, qvos appellant, Zygostatae. (cc) Sæpe deliberasti de his nævis, tolles tandem & vindicabis privatos privatorum hominum mores. Judæos tolerare, omni licitum jure. Hos vero negotiis imponere, his frænos laxare nimis, & omnium usurpandorum facere copiam, haud consultum. Turbarunt nuper monetæ rationes in tantum, ut vicinæ ditio[n]es ingemiscant. Hæc causa, cur multi civium facultatibus lapsi, cur plurimi mercatores existimationis fecerint jacturam, creditoribusq; decoixerint suis. Tuum, mea Polonia, est, his obviari malis, & qvod præcipuum gloriae caput est, cum regno ponere calculum, cum calculo conservare regnum.

(bb) Vid. Aut. Cene, pro redint. Pol. reg.

(cc) Ad hoc vid. D. Zieglerus, vir mibi inter magnos magnus, & ut nostri avi decus, ita exemplum futuri. In disp. de Jur. Monet. Saltem adjicimus, auri argentiq; signandi jus apud Veteres sanctum fuisse semper.

XXVII.

De Monetæ remediis nil reperio, qvod exponam ultra. Aut si reperio, hujus scripturæ excedit modum. Visum nunc delibare, qvid sit, quo regnum conservetur. Plurimi cœlesti arcana allegant & ineluctabilem ordinem fati. Hoc facere, hoc stabilire Sarmatiæ libertatem. Reddi adeo hinc rationem posse, cur facies, forma regni Polonici sibi conveniat soli. Nulli vero alii. Nil enim subesse, nisi occultam numinis vim. Huic standum, huic acqviescendum esse. Et mirum certe, inveniri Republicas satis confusas, qvæ in ipsa durant confusione. Inveniri imperia, qvorum forma pœne sine forma & præter regulam civilis legis. Manere tamen eadem & retinere inter contumaciam ac dissensiones

C 2

secu-

securitatem antiquam. Nos agnoscimus Deum regnum statorem. Miracula arcemus. Republicas confusione nutantes haud probamus. Unum alterumve exemplum eas non munit. Qvod rarum, raro tutum, raro diuturnum. Facile peritum, qvod ægrum. Sic non secus casurum, qvod prægravi mole inclinatum. Certa, non ancipitia, Reip. conservanda consilia habere, non expedit modo, sed etiam necesse est. Turbida ista & fallacia, & nūl solidi habentia displicant merito. Si lubrica via sit, si deficiat, ubi pes figatur, promptus sane ad exitium gradus. Nos quid sentiamus, aut dicemus ex suggestu, aut monebimus privatim. Qvod enim de colendis placitis majorum, de peculiari temperamento gentis, de observandis sanctionibus regni, de fide Senatorum Ordinisq; equestris, de rationibus deniq; militaribus hic recitat, notum omne est, & solum certe non sufficiunt. Alia eruenda, plura expectanda subsidia regni habes, mea Polonia, modo utaris, nec tarda sis ad occasiones, nec ad mutationes proelvis. Mutationibus, si quæ existant, remedia opponas matura. Interregnorum vices longas procul habeas & detesteris. Didicisti interregnorum fata. Nocuerunt regnis aliis, nocebunt tibi, si diuturniora. Advigilasti nuper satis, & cum tot, miranduni, diversa Senatorum Nobilitatisq; studia essent, præcidisti moram electioni, sustulisti interregnū, vitasti discordiam, unde promptum alioquin seditionibus, turbis, bello civili alimentum.

### XXVIII.

Ducimus quoq; instituto convenire, ut Poloniæ attingamus leges. (ee) Multis videtur, gentem bello assuetam de legibus parum laborare. Illud de populo Martio verum. Hoc nullatenus concedendum. Eo minus, qvòd cura belli non tollat leges; Contra leges armis, arma legibus inmitantur. Exemplo Princeps, cui non togæ solum, sed belli etiam artes discende. Et vero demus, cura armorum turbari interdum leges posse, everti tamen posse, confidenter negamus. Manifestum alioqui, & publicis notam argumentis, habere suas Poloniæ leges, habere curias, habere tribunalia. Ulrisque additam dicundi juris potestatem. Vetusti re-

trō

trō ævi documenta multa. Memorabile saltem hic ad posteros est, juri Teutonico olim in Polonia fuisse locum, fuisse honorem. Illud vulgari nomine Magdeburgicum appellatur. Hujus introducendi Auctor non Casimirus M. ut tradit Joach. Pastorius à Johanne Casimiro, dum regnaret, ad scribendam Sarmatarum historiam conductus, sed Lesko Niger. Causam exponit Conringius, multis in hoc argumento, nec indiligens diplomatis, qvod Pastorium deceperat, Casimiriani censor. Et vix est, ut assentiar Arthuro Duckio Anglo, qui Casimiro accepta refert auspicia primo instituti, deinde abrogati Magdeburgici Juris.

### XXIX.

Servet dissertatio formam. Dictum de legibus: insistamus ordini, & referamus de quibusdam. Leges comitetur consuetudo, quam invaluisse accepimus post leges, ordiamur à furto. Furtum pecunia redimitur. Pœna si est, certe non est capitalis. Moribus Lithuanicis res furtim ablata ad Dominum non reddit. Inventori quoque non cedit. Sosum hujus opus, perferre ad judicem; Judex servat sibi. Via ad recuperandum Domino interclusa; remedium vindicandi nullum. (nn) Veniamus ad tutelam. Finitur tutelæ munus, finito quinto decimo anno. Secus, quam apud alias gentes. Alienandi inulto senior facultas. Initium quintus & vigesimus annus. Seqvitur diversitas diversitatem. Liqvet hæc in mulieribus. Argumenta habentius in prædio dotali, & jure testandi. Ignoratum ibi nomen jusjurandum, qvod calumniæ appellant justitiæ sacerdotes. Hactenus discrepat à Qviritium jure. Mallent multi, ut conveniret semper, ut discreparet nunquam. (oo) Præsertim si justa subest causa, si religio movet divini juris, si sanctitas jubet innata legis. Aversatur Deus homicidia, homicidiorum impunitatem maximè. Optamus, ut omnes agnoscant. Magni, an mediocres, an minimi, nil refert. Eodem omnes apud Deum censentur jure. Qui regulam omnibus & singulis esse voluit. Non occides. Homini adeo in hominem nulla potestas necis. Deus vitam dedit. Deus adimere solus potest, solus vult. Teneat ergo sua interfectores pœna. Sed quæ respondeat delicto, quæ penset delicti

atro-

C;

atrocitatem', & 'mensuram impletat divinæ legis. Non levis multa, sed supplicium poscitur. Luat sanguine, qui sanguinem profudit. Propterea nemo sibi indulget, nemo sua abutatur dignitate. Homicidium vindicandum morte est. (pp) Hæc sententia summi judicis. Hæc norma regnum erit rerumq; publicarum omnium. Vos appello, Sarmatici Nobiles. Sarmatiæ munimentum estis. Justitiae quoq; sitis. Eritis certe. Vestra exempla utilia regno, salutaria sunt vobis. Manus adferre hominem homini, ne sinatis. Sævitia est, non libertas, occidere quenquam sine causa. Etiam nulla libertas, quæ contra leges. Legum vero hic nexus. Constituta cedunt divinis, divina regunt constitutas. Qvicquid peccatur in utrasque, peccatur in Deum, in vicarium Dei. Illud impietatis est, hoc improbitatis. Vos, qui animuui pro regno habetis, qui curas pro regni gloria suscipitis, temperate gladiis adversus plebejos. Nunquam temperate adversus Hostes. Barbaros istos dico, & ut fama est, jam jam ex Scythia profecturos. Cavete, ne se, ne suosditionibus vestris infundant.

(un) Ceteroquin de usu juris Ro. in foris Polonia vid. Duck. l. 2. cap. 12.  
(oo) Accusat in hoc capite Polonus Spreng. d. l. & discriben eorum no-

tae, quo afferunt homicidium aliud capitale, aliud civile esse.

(pp) Vellem hic sanius locutus esset Tb. Hobbesius de Civ. cap. 6. p. 109.  
ubi non parum derogat innato juri, Deo ipse, hujus auctori.

### XXX.

Tadet hic morari. Res poscit, ut quales olim Sarmatae fuerint, dispi-  
ciam. Male apud Tacitum audiunt. Primo ignavia, deinde levior armatura  
exprobratur: postremo imbellium inuritur nota. (hb) Dubites fortasse,  
an assentiaris scriptori augustæ historiae. Celeres subiti gentis impetus, celeres  
animorum motus facile aliud persuadent. Minus in Sarmatas iniqui rerum  
Scythicarum Conditores. Facit nobiscum Pomponius Lætus, vir in eruenda  
antiqvitate sicut diligens, ita acris. Is ex annalibus, quos excusit, optimis  
tradit, gentem fuisse ferocissimam, & hominum cædibus aspergatam. (ii) Alibi  
recitat obstinationem gentis. Præter hanc pugnandi ardorem. (kk) Pro-  
mendum hic suffragium Flori. Qui tradit, Sarmatis non æstimari pacem, mo-  
ne intelligi quidem. (ll) Hæc quam conciliare arduum, tam præmtum, ab  
altero dissentire. Sed causa dissentientis justa, ratio dissentendi sufficiens  
esse debet.

### XXXI. Spe-

### XXXI.

Spectamus metam. Sed pauca restant, anteqvam perveniamus. Expe-  
diemus quasi in transcurso qvodam. Dignum labore momentum, qvod ad  
executiendum veteris Sarmatiæ statum pertinet. Illatum genti bellum à Ro-  
manis. (mm) Penetratum usq; ad regionis fines. Viscera à bello intacta.  
Augusto Danubius belli Sarmatici terminus erat. Feliciores Teutonicæ Im-  
peratores. Conradus cognomento Saliquus vestigalem fecit. Henricus II.  
Boleslaum beneficiario jure sibi obligavit. (nn) Certa hujus rei argumenta  
servamus historicò instituto. De cætero Polonorum dissensus scriptorum  
nil obest cause. Nemis afferunt nova, & solidæ antiqvitatis nihil.

(hh) Nihil tam ad pedestrem pugnam ignavum esse scribit, quam Sarma-  
tas. Et non tacite innuit, param ipsis animi esse, eruptis equis, cum tradit,  
ademptæ equorum perniciitate, velut vindictæ cœdit. Non multo post levi gladio  
inermes vocat. Hst. I.

(ii) Ro. Hist. Comp. Ed. A. 1510. in Confant.

(kk) In Valentin.

(ll) Meninit Tacitus Roxolanorum. Hi Willichio Baserne, alii Russi  
Moscibig, sunt. De quibus vid. Carolus Stephanus Dict. Hist. Geogr. & docti-  
simus Italus Hirol. Canin. ad 1. H. Tac. c. 79.

(mm) Nil virilatis habent, qua huc affert Hermannus Hermes cap. 4.  
de Imp. Ro. illud multo magis mirandum, qvod scripsit, Boleslaum ab Orcone  
M. creatum Regem. Non minus Galli cujusdam erratum est, qui Lecho pri-  
mum tribuit insigne Regium. Nulla causa, nisi accurate negligentia lectionis.  
Ignorantiam enim pax tantis tribuerum Veris.

### XXXII.

Vetera hæc sunt. Mittamus. Nec tamten committamus, ut horum me-  
moria exolescat. Nos desinimus ne progrediamur ultra legem. Desinendum  
vero in voto est. Votum præcedat, qvicquid amor publici boni expressit.  
Struit sæpe fortuna vicissitudines. His amovendis comparare præsidium, fe-  
licis regni est. (ee) Comparetis, Sarmatae. Imminent barbari ex diversis lo-  
cis. Hos depellere, aternæ pretium laudis. Dissidere ab se invicem domi, &  
pugnare sententiis, hosti expedit, non Vobis. Ante bellum de belli instru-  
mentis cogitandum. Opes, aurum, argentum bellantium robur, bellorum  
nervus. (ff) Illa, cum suppetunt, conservanda, cum desunt, acquirenda.  
Amittere hæc, & inania consecrari, est suppeditare materiam crescendi aliis,  
aperire viam ambitioni hostis, emere demum periculum brevi & mox cessa-  
tura voluptate. Vos, Sarmatae, melioris capaces fortunæ, meliorem animum  
servate. (gg) Utilitas, gloria ad Vos redundabit. Gnara bellandi Nobilitas  
Vobis

Vobis murus & firmamentum. Legiones validæ, dummodo concordes, extiosæ regno, si discordes. Prospicite vobis. Impetus Tatarorum metuendus. His prædandi irritamentum Podolia, quâ Meridiem spectat. Communitate tandem itinera versus illam terram. Volhyniam & Boryshenem potissimum curæ vestræ partem credite. Qvanqvm inde jam major impendeat metus. Vites, opes, cogitationes omnes vertite in bellum externum. Vitare intestinum. Pugnate pro fide regis, pro salute regni. Obtestatur Vos Christianus Orbis, ut hoc tempore audendo paratissimi, faciendo felicissimi, vincendo admirabiles sitis. Honos Dei est, quem defenditis, libertas vestra, quam propugnatis. Ite ergo ad arma. Numen fortunet armatos, fortunet expeditionem. Festinate, qvod agitis. Expectat vos victoria, & invitat.

(ee) Indicandum hic esset, utrum Germanie finibus metuendum sit à Sarmatis. Qvod cum negem ex multis causis, alibi persequendum ex dignitate argumenti est. Interim vid. aut. Not. & strict. p. 62.

(ff) Tac. Hist. II. Pompejus Caimus paral. Polit. partit. p. 29.

(gg) Multi hic notant Sarmatiae gentem. Alii nec contumelis abstinent. Graviter monet Staravolscius. Hauriant Poloni, qvod salutare est, à Polonico Scriptore. Ceteroquin multæ hic lites de scopo Reip. Polonicae. Dissidium omnibus notum, qvod inter D. Conringium, & personatum Mari- nium exarbit. Non ausim me interponere judicem. Cum privatim sentiendi rationem habeamus.





Hist. Polon.

& general.

July 8  
1816  
Wm. D. Lupton:

